

四庫全書

史部

欽定四庫全書

史部

景定嚴州續志卷

十四至

詳校官監察御史<sub>臣</sub>沈孫璉

檢討<sub>臣</sub>德生覆勘

總校官編修<sub>臣</sub>王燕緒

校對官編修<sub>臣</sub>莊通敏

謄錄監生<sub>臣</sub>殷傑

欽定四庫全書

景定嚴州續志卷四

宋方仁榮鄭瑄同撰

山

郡之鎮山曰仁安支脉蜿蜒下走平曠其繚入郡城者各有名前志不書乃今書之

錦砂岡

元字紀光廟號諱

在城內北正脉融結萃為郡治

東山在縣治東

秀山以秀亭得名西連東山

建安山在百順門內

樊家山在雄節營北

西山在城內西北舊有孤高亭今廢

道場山以陳尊宿得名西連西山

水

新安江東陽江合流于城東南前志列於建德縣下今不再書撫湖井之宜書者書之

西湖在城南祝聖放生  
在馬景定二年秋七月暴雨  
仁安山洪流迸出決湖趨  
江湖涸遂蕪今侯錢可則  
亟以冬隙堤之明年正月  
祝堯之日放生于湖如常  
年碧波溶溶鱗介咸遂邦  
人樂其有愛君之心焉添  
倅東陽樓晏為之記

郡城岸江枕山泉味甘冽  
舊為井者九曰桂泉在雙  
桂坊曰清泉在子城外西  
北曰華泉在兜率寺西百  
步曰甘泉在軍門內西曰  
釀泉在郡圃

今連筒入公庫資歲釀

曰秀泉在添差通判衙東曰海底泉在和平門內西  
曰白龍泉在安泰門外曰碧波泉在嘉化門外或謂  
甘泉秀泉不列於九井然皆未有考焉其他縵汲之  
所尚多如雙井在善教坊南小巷中蟹黃泉在樊家  
山下舍人井在舍人橋東丁家井在濠塍墘下路北  
龍泉在錦砂岡西

今連筒入三  
務資歲釀

是皆宜書

### 寺觀

寺觀比前志無大更革撫其關於郡典者書之

郡官之祝聖滿散詣天慶觀兜率寺

郡官之祝國忌香詣能仁院

郡官之追崇徽廟詣南山光孝禪寺

郡官之勸農詣近郊寺院無常所

法善禪寺舊在州城內東今城西九峯菴請其額

甘泉道院在軍門西井於闌闌中民居偪仄易穢紹

定戊子知州陸子適買民地為亭覆之近道院以奉

佑聖郡以羽士主之

東山道院在子城外東景定庚申知州謝奕中建以羽士主之亦奉佑聖

祠廟

郡為吳俗昔多祠宇自張宣公知州斥淫祠之不在祀典者故今所奉皆稱神撫其更革者志之

城隍靈應廟在子城內西神以建安王為稱然莫知封號之始景定辛酉令侯錢可則荐請于朝始賜額靈應更闢廟門以侈新渥



祠山行宮舊在兜率寺東廡間淳祐辛丑知州王必  
闢寺東廢址遷焉南臨通衢廟貌斯稱郡博士桂錫  
孫為記

梓潼真君行祠舊在天慶觀廡間景定庚申令侯錢  
可則拓地于觀之右大飭祠宮南臨通衢而勢軒豁  
明年大比士之領薦者拱前後率有吉識今吏書葉

夢鼎為之記

景定二年大比與賢太府寺丞知嚴陵  
錢侯即今之桂華坊作梓潼真君祠世

言帝命司桂籍主人間科第者也介教授鄭君瑤以  
書來徵記曰惟嚴陵山水秀天下鐘奇產英魁儒相

繼出志道義崇氣節不但以詞藻名世也聲光蕩摩  
達于曠叻瀨釣之區家誦書人業儒交勉為士君子  
之行又不但以名第相眩慕也侯始至諭其國俗而  
嘉尚之凡學官俎豆之事庖廩之供必敬必飭迺復  
經始斯役揭虔安靈斬以相斯文福多士藝闡設棘  
而祠官適成羣六邑之彥雷動霧湍顧瞻貞輪興起  
風烈至有感吉夢而占上游者斯亦異哉余惟上以  
德藝賓士士知自修而不斷上之知古之道也自科  
目興應書自銜而古意日以薄顧復使大冠修劍者  
流咸盼盼焉乞靈於神以志一得余始惑焉既乃訪  
之蜀珍稽諸誌課則知神之生也世以忠孝顯夫忠  
孝百行之冠冕其剛大浩然之氣精純不二之心耿  
耿宇宙間殆日月並揭河漢同流風霆烈而山岳峙  
也眉山蘇公所謂不依形而立不恃力而行不待生  
而存不隨死而亡者其是物歟是以神之廟食被四  
蜀人士嚴奉如錦官夫子石室諸葛忠武祠歷千百

載如一日中更西事拂擾黠酋暴客過輒投戈羅拜  
是何威靈氣歟動悟人物如此秉彛好德無間哲愚  
是必之以觸其天矣國家籲俊尚賢三歲有詔與郊  
見神示之典同萬乘臨軒與冊拜公孤之儀等甚重  
事也士由此選蓋將致其為臣為子之大節明綱常  
以準世弘德業以庇民顧豈使之弄鉞擧徵祿利而  
已今賢侯身勸為駕爾嚴之士方衮衮上春官奉大  
對當思天高地厚中立此身君親之報難窮忠孝之  
節易撓惟無負於君親即無媿於天地而亦不為爾  
神羞此侯作祠之初意所以望爾士者厚而垂教思  
者遠也抑神九十四化之說祝史傳會侮聖瀆靈世  
未有明辨之者而神陰翼世教之意混焉夫化者謂  
能神其道以化俗非如釋氏以幻為化也故神之福  
善也惡者化而為善神之佑順也逆者化而為順神  
之好是正直也邪者誦者化而為正直皆忠孝之感  
也洋乎在上必有監於斯言侯名可則吳越五王後

丞相魏國忠靖公嫡孫蓋世載忠孝云太中大夫權  
兵部尚書兼權吏部尚書兼同修國史實錄院同修  
撰兼太子詹事寧海縣開國男食邑三百戶天台葉  
夢鼎記朝奉郎主管成都府玉局觀方逢辰書朝奉  
大夫新除宗正少卿兼  
太子侍讀留夢炎題

靈順行祠為樓跨龍津橋嘉泰元年建

招商神祠在輯睦坊北祠廢已久地為民居淳祐火  
延數十百家自居祠地者始郡以民請復建祠然舊  
以招商為名豈非土儉俗貧假懋遷之利以粒斯民  
故汲汲然耶

崔府君祠在子城西巷內

天王堂在子城西北隅

### 古跡

郡相傳有三阜

元字犯光  
廟嫌諱

九井若九井既志之矣三阜

俗傳為郭璞窰一在通判廳治前一在建德縣廳治前一在水南大悲殿北有古井馮陶土為欄識歲月其上  
蓋開寶三年三月也且識是年米斗二十錢

### 碑碣

集古錄載此郡唐時石刻頗不一今往往不存其所存者前志已輯之矣茲志其後來者焉

御製戒石銘守臣顏為立石

御書藉田詔守臣羅汝楫立石

錫宴戒州縣御筆守臣趙孟傳立石

戒貪并錄勲裔御札守臣李介叔立石

訓廉御札守臣錢可則立石

司馬溫公訓儉文知州盧憲立石

申用全會入納回降本末知州顏頤仲立石碑陰舊為篆書

大風歌知州  
盧憲模立

申免嚴婆兩易米絹始末知州王佖立石碑陰舊為減免丁錢

鹽絹本末知  
州詹亢宗述

右在設廳

知州題名二琴川冷世光撰

碑陰其一張魏公釣臺詩  
其一重修軍門樓記

范文正高風堂記碑陰刻泰  
山壽字

范文正公桐廬郡十詠

碑陰建千手  
千眼觀音記

張宣公祀仁安山祝文

重修浮梁記三

其一三省架閣黃顥為知州鄭之悌撰

碑陰舊為  
蜀減諸縣

賦敵省劉知  
州宋鈞述

其一朝奉大夫徐邦憲為知州謝德興撰

其一郡人方逢辰為知州李介叔撰

修譙樓記校官鄭瑤為知州謝奕中撰



經總制錢始末知州許興裔立石

申用全會納坊場錢本末知州章大醇立石

瑞麥宣付史館省劄并圖頌今俟錢可則立石

平糴倉記郡人黃蛻為知州李介叔撰

撥代解婺州絹糴米餉軍省劄知州錢可則立石

碑陰

同上

四公帖

韓魏公  
文潞公

富鄭公  
范文正公

詛楚亞駝文

孤高亭記知州鄭之悌立石

明道東坡二先生訓語

右在高風堂庭廡間

通判題名二

西園記建德尉嚴康朝撰

右在通判廳

御製至聖文宣王贊及加號詔

碑陰刻瞻學  
產段細數

御書八刑八行詔

皇帝賜辟雍詔

御書孝經

御書賜學官詔

右並立石大成殿

教授題名

進士登科記趙清獻公知州日始立石後知州鄭滋  
易石增廣

續登科記知州謝德興立

趙清獻公勸學詩

增置學田記郡人詹炎撰

育英堂記今禮書楊棟撰

重建學門記校官江一鶚撰

蘇公簡鄉飲詩

陸放翁詩帖

右在州學

重建軍門樓記參政徐清叟為知州吳槃撰

重修西湖放生記添倅樓宴為今侯錢可則撰

梓潼廟記今吏書葉夢鼎為今侯錢可則撰

城隍靈應廟記校官鄭珪為今侯錢可則撰

濟川橋記校官鄭珪為今侯錢可則撰

溪山偉觀記校官鄭珪為今侯錢可則撰

呂成公作重修嚴先生祠堂記虞伯良書世稱二美

舊石燬于火僅存斷闕過者嘆息今侯錢可則礮石

臨鏡之

重修釣臺書院記郡人方登為令侯錢可則撰

書籍

郡有經史詩文方書凡八十種令志其目

六經正文

語孟正文

櫟齋禮記集

玉藻講義

通鑑紀事本末

南史

唐鑑

周子太極通書

胡氏春秋傳

胡氏春秋通旨

春秋後傳

春秋後傳補遺

尚書說命講義

尚書無逸講義

謝先生論語

爾雅義

近思錄

知郡華文錢  
寺丞任內刊

近思續錄

知郡華文錢  
寺丞任內刊

橫渠集

朱文公家禮

朱文公小學書

南軒先生文集

融堂四書管見

師友問答

鷗冠子

鷺子

程氏遺書

已易

世說

新定志

新定續志

知郡華文錢  
寺丞任內刊

嚴陵集

嚴陵別集

釣臺詩

釣臺續集

釣臺別集

皇甫集

大字劉賓客集

咸平集

陶山集

徂徠集

定肅顏公文集



劍南詩

劍南續藁

江諫議奏議

閻範

關化書

洛陽名園集

開元天寶遺事

聖政草

老學庵筆記

鄉飲酒記事

竇氏聯珠

省事老人集

陳宋集

西崑訓唱集

唐御覽詩

鉅鹿東觀集

潘逍遙詩

東里詩

千巖集

七里先生自然庵詩

清真集

順庵集

史氏指南方

史載之方

衛濟方

本事方

二典義

產寶方

癰疽方

清真詩餘

景定嚴州續志卷四

欽定四庫全書

景定嚴州續志卷五

宋方仁榮鄭珪同撰

建德縣

縣為附庸凡賦斂率輸于州縣無贏資亦無逋責土儉  
俗醇治貴簡靜知縣事率京官為之佐官有丞簿尉主  
學兵官有管界寨巡檢

學校

縣有宣聖廟圮于水嘉定戊寅宰陳德一始即縣門內東建廟淳祐庚戌宰惠德夫建門廡堂序名講堂曰明倫即堂廡為達德尊德明德進德四齋堂北為直舍曰忠恕潛齋王楚作記

鄉里

縣管鄉凡其為里者四十詳載前志獨新亭鄉之孝悌里淳祐丁未太守高斯得書里名表之

官廨

縣治在子城外東公廳之左為近民堂右為清白堂中有遺愛堂

知縣題名

綠車青節胙土苴茅紅旆碧油建旄授鉞嚴陵其三聖之始基乎面受二江背負一龍弦歌滿城密依治鎮建德其六邑之冠冕乎然則綰銅章紆墨綬為邑長于斯者是不可以無紀也植學製此來竊謂當今天下每嘆無可為之邑正以賦輸不均催驅良難幸而粗可展布

又不當忘其所自來遂由寶祐令君尹戶侍潛公而下  
迺為一碑蓋公之為是邦也約供上之所出均田賦之  
所入一毫不求多于民民至今利賴之而宰亦藉是多  
滿去庸冠首刻敬詔方來使後之縣大夫無忘公意相  
與守之則是名也流芳垂榮可千百季庚午長至擬承  
議郎知建德府建德縣主管勸農公事兼弓手寨兵軍  
正賜緋余植記朝請大夫試尚書戶部侍郎兼同詳定  
勅令官兼知臨安府浙西安撫使潛說友題蓋

潛說友

從政郎侍班改寶祐五年十二月到任次年正月改宣教郎開慶元年十月改添差行在

點檢瞻軍激賞酒庫所主管文字

孫桂發

宣教郎開慶元年十二月十一日到任景定二年正月二十七日除主管官告院

呂寶之

宣教郎景定二年二月十五日到任至景定四年四月二十八日離任

游鏞

宣教郎景定四年六月二十八日到任景定五年十一月離任

趙與積

奉議郎咸淳元年八月十一日到任當年九月內准告轉承議郎咸淳二年三月內准勅

賜緋魚袋咸淳三年七月內准尚書省劄子奉聖旨差通判建德府填見闕先是宰邑之次年民以

旱澇告遂請于朝得粟一萬斛以濟備暨解任以積下俸錢併通判廳辦備堂從物錢預為本邑人

戶代輸咸淳四年茶  
租錢一全年于府

余植

通直郎咸淳三年十月二十一日到任咸淳四  
年五月轉奉議郎咸淳七年正月二十二日滿

替

山

邑境皆山也撫其著名者以補前志之闕

高峰山去縣東五里許仁安山之支也圓通院居之

累甃為浮圖在其顛

舊傳有識云卯巽二峯重建塔  
狀元從此冠羣英此正卯位

南山與城對峙馬目山之支也光孝禪寺居之有浮



圖七層

屯軍山去城西一里許

屏風山去縣西二里許自舊封禁

橘山在東陽江之東去縣十里許巔不可登上羅浮橘一本橘熟風飄墮地得者訛為仙人橘

萬歲山明山巖山在新亭鄉巖秀環聳為佳山水處五寶山在建德鄉並新安江西派八十里五山共一源曰金山相傳石上有金牛足跡因以為名曰銀山

銅山綠山鐵山皆以地所產而得名惟鐵山尚資冶  
課餘皆礦竭坑存

楊溪峯在慈順鄉峯如卓筆

尖山在宣政鄉峯亦峭拔

水

前志不及溪澗今志其達于江者

楊溪

隸慈順鄉

下達溪

隸慈順鄉

馬目溪

隸建德鄉

緒塘溪

隸龍山鄉

黛潭溪

隸龍山鄉

右在邑之西境入于新安江

吳家溪

隸白鳩鄉

洋潰溪

隸白鳩鄉

大洋溪

隸宣政鄉

小洋溪

隸宣政鄉

右在邑之南境入于東陽江

苔溪新亭兩源之水出焉

隸新亭鄉

胥口溪

隸芝川鄉

空伯溪

隸芝川鄉

右在邑之東境入于浙江

橋梁

道城北度仁安嶺與驛道合阻溪而為橋者四在龍山鄉者曰大興橋在芝川鄉者曰朱芝橋治平橋杜息橋惟治平橋有田百畝給修造費里人董天任所捐者也今命釣臺九隴寺主之餘橋非驛道者不書

寺觀

寺觀在郊關者已于郡志志之今志其餘以補前志之

關

報恩光孝禪寺

前志名廣孝寺

寺有瀟灑亭為一郡勝處景

定改元東巖錢公可則由上饒入覲登亭有詩云有

緣結得南山境瀟灑亭高最可人此景古今吟不盡

熙熙客裏且行春明年六月開藩于此豈非有行春

之識與

九峯法善寺

前志為九峯庵

後請州城廢寺易其額

圓通院

即前志高峯院

普證院在仁行鄉嘉熙間僧維政請處州廢額建

萬壽寺在芝川鄉淳祐間邑民請南山舊額建

多福院在龍山鄉嘉熙間邑民請仁安山廢額建

普濟院在建德鄉建炎間邑民請桐廬縣廢額建

善濟庵在仁安鄉寶祐間僧文行請額建

思濟庵在芝川鄉淳祐間邑民請桐廬縣廢額建

永隆宮在龍山鄉距城七里曰青山淳祐間道士許

守正請遂安縣廢額建

鳳翔觀在慈順鄉之朱池寶祐間邑民請分水縣廢

額建

西真宮在建德鄉之銅山道士邵含光請遂安縣廢  
額建

龍興觀舊在仁安山之巔觀廢為仁行鄉澤山新觀  
請額云淳祐壬子仁安山復自為觀

祠廟

廣濟廟蓋紹興甲子所賜額也前志止云仁安靈應  
王廟紀神號曰忠顯仁安靈應昭惠王嘉熙丁酉改

昭惠為廣澤淳祐壬子申錫嘉號曰忠顯靈應廣澤  
孚惠王

順濟廟前志止云兩港龍王廟淳熙己酉始賜廟額  
慶元庚申封新安江之神曰靈濟侯開禧改元封東  
陽江之神曰廣潤侯

峴山羊太傅廟在新亭鄉之和村神名祐鄉有游襄  
峴者夜夢神告之曰吾與汝俱游而鄉幸歸而祠我  
夢者橐香火以歸即叢居中隙地為廟後大水漂去



廟有石香爐高五尺逆流里許止溪次殆類人徙即地建祠水旱禱之率應

徐偃王廟在慈順鄉昔徐姓自太末徙是鄉因建行祠

蔣山神祠在龍山鄉舊傳即金陵蔣山人也

翊忠侯廟在龍山鄉姓潘氏名世雄蓋里人也宣和間以力勇禦寇有功死故廟食嘉熙丁酉始賜侯爵校書郎楊幼度為之記

古跡

石舫在胥口西半里瀕江叢石中長一丈半宛然小舟也春水退鄉民視舟中沙石多寡占一歲糴事沙淤糴賤蓋民食仰泛舟惟恐糴梗故嗜識酷至此

石澳在慈順鄉徐村有曠地數十頃無水不可耕徐民叟穴山三十丈注水南下遂為良田刻石識崖上蓋天聖二年也

碑碣

紹興恤刑詔知州楊彥立石

紹興御筆籍田手詔知縣張華立石

嘉定蠲減版賦始末知縣潘檜立石

集義莊記郡人方萬里撰知縣孫自中立石

縣學記二

其一嘉定戊寅諸葛安節撰  
其一寶祐甲寅潛齋王堊撰

救荒記

士大夫有民有社得常相安于豐年樂歲間非至幸歟  
天運靡常饑荒代有載考史籍賑乏者亦多術矣大畧

不過發公廩致販商分私積皆因其有焉苟無焉計安出哉山多田少吾郡為甚建邑為尤甚歲登甲戶無餘粟中產不足伏臘農可知已仰于鄰邑仰于鄰郡樵蘇亦仰于京師小歉則直倍他土勢也然射利者趨之民猶免于莩咸淳四年水易陵谷未幾而旱方數千里凡建民所仰之地率自救弗贍顆粒無從至明年春乃搏烏昧採蕪菁至又眉山木之膚以為食形鵠載塗今尹信安趙公與積威戚不遑寧曰民饑乃爾發廩乎曰無

招商乎曰無勸分乎曰無幾束手矣幸先是朝廷科糴  
豐儲倉米于郡乃轉俸回糴二百斛率鄉都裒助以濟  
疾苦矜獨之不聊生者又曰濟有限也則貸楮為之祈  
哀請命乞糴于朝忱辭感動廟堂惻然興憫仍撥豐儲  
米壹萬斛優其直以賑之暨至曲防諄戒無勺合不粒  
饑民之腹迄事而麥已秋田里翕然舉手加額曰恩哉  
尹之生我民也異乎彼之因其有者矣鄉之任事者有  
黃君炳文謀于衆時同被委者徐夢得李子奇喻于勲

何權何自敬何一之蔣開張大明唐景龍許汝弼方蘭  
孫許萬鍾洪榮祖洪友龍劉光祖倪在鈞邵大中徐安  
國馮應得錢東陳大林周文中陳化龍葉英發洪奎英  
凡二十有六人曰尹其無負新天子撫字之寄者其事  
視古人為尤難將紀以示民之不能忘忽郡卒騷動火  
民居復灌城城且瀕洞尹一言帖然以居未幾特旨就  
擢貳郡衆益嘆服曰此豈聲音笑貌能為哉乃叙其顛  
末屬于余余昨守尹之鄉聞其先君靜齋德祿偕崇做

文正范公遺意創義田以調族之貧冠昏喪葬給  
有差里或饑賑施無靳色尹善繼有加焉感而服  
者衆矣故其鄉民兩弄兵皆相戒不忍犯宜政行  
斯邑若是卓卓也積而大之豈止一鄉一邑蒙其  
澤哉于是乎書朝奉大夫主管建昌軍仙都觀黃  
宗仁記并書朝請郎新除司農寺少卿兼勅令所  
刪修官知臨西府浙西安撫使兼檢點行在贍軍  
激賞酒庫所潛說友題蓋奉議郎知建德縣主管

勸農公事兼弓手寨兵軍正賜緋魚袋余植立  
石

咸淳御製字民銘

涖事必公拊民必惠邇者有訓亦既切至咨爾令長守  
以勿墜宣朕實意斯為愷悌

臣恭惟皇帝陛下嗣登寶位七年于茲朝廷清明條  
貫快活普天率土涵泳至仁誕保受民益培邦本迺  
者親灑宸翰申錫嘉銘飭于撫字之臣俾行公惠之



政其與太宗皇帝戒石御製同一忠厚之心也猗歟  
盛哉臣叨恩學製寔在龍潛之附庸對揚王休尤先  
諸邑敬拜手稽首颺言曰公則律已無私而毫髮之  
不欺惠則撫民以寬而繭絲之不急惟公惟惠愷悌  
之政也敢不恭命謹以聖訓託之堅珉耀當今而詔  
方來垂無窮而施罔極庶可以上副聖天子保民無  
疆之實意云咸淳六年九月十六日奉議郎知建德  
府建德縣管勸農公事兼弓箭手寨兵軍正賜緋魚

袋臣余植百拜謹立

建德縣進士登科記

國朝以人文化天下進士得人最盛新定郡自咸平三年由鄉貢擢進士第首於建邑得王君冕是自舉不絕書名踵相望惟斯邑為盛豈非千峯聳翠雙湍瀉玉瑰奇持傑之觀瀟灑清絕之氣獨萃斯邑乎又得非田范張呂澄泓演迤之學仁義道德之化首覃及斯邑乎至如抗直節于東都圯極之餘倡洛學於斯邑再炎之始又

皆斯邑之景星鳳凰光絢宇宙咸繇科目進者也今天  
子即位之元年詔陞藩府遂以邑名其郡粵四年上御  
集英親策方內之士植適以墨綬學製斯邑未唱第先  
默有感焉已而邑人首以恩貢掇第應益彰也是年斯  
邑合得四人其三皆比居于城視他時尤盛顧瞻邑黌  
自咸平迄今未有題名以揭斯邑之偉觀殆非所以表  
列前修興起斯文者也植茲幸書滿輒采舊聞攻石而  
書之斯邑士氣夙醇文風寢盛方來者尚源源也且闕

以俟續書俾後之觀者自其登名以要其遠業之所到  
知斯邑有人如此則是記豈徒然哉咸淳庚午長至擬  
承議郎知建德府建德縣主管勸農公事兼弓手寨兵  
軍正賜緋魚袋余植記

王冕

咸平

許塤

大中

許湜

天禧

倪天植

慶厯

倪天鎮

喻房

嘉祐

江公著

治平

江公望

熙寧

江公佐

元豐

倪直侯

元豐

倪直儒

方行可

元祐

方鼎 元祐

江公明

江公亮 元符

王昇 崇寧

詹至 崇寧

朱彪 崇寧

詹公著 大觀

詹大聲

姜師仲

詹大方 政和

喻彥先

詹大和 政和

喻樗 建炎  
戊申

王郊 紹興  
壬子

喻仲遠 紹興  
戊午

汪虛中 紹興  
辛未

馬大同 紹興  
甲戌

鄧朴 紹興  
丁丑

趙彥逾 紹興  
庚辰

王恬 隆興  
癸未

趙彥肅 乾道  
戊戌  
復齋

鄧先

姜大中 乾道  
己丑

趙仲友 淳熙  
壬辰

朱承孫

趙彥迴

趙不操

詹炎

紹興  
癸丑

朱仲河

慶元  
丙辰

鄭誨

慶元  
己未

滕承孫

嘉泰  
壬戌

許大聲

趙師誠

開禧  
乙丑

趙汝端

方秘

趙彥巖

趙儻夫

馬高

嘉定  
戊辰

胡誠一

方備

柴銳

嘉定  
辛未

方萬里

趙璣夫

林炎

嘉定  
甲戌

詹仁澤

趙槩夫

趙師緯

嘉定  
癸未

馬登龍

寶慶  
丙戌

趙孟修

趙師緝

趙爌夫

趙汝綰

趙汝得

趙彥岳

方應旗

己未 紹定

洪牧

姚夢角

壬戌 紹定

趙由迪

己未 端平

方洪

戊戌 嘉熙

趙綵夫

邵甲

辛丑 淳祐

趙與崇

馬季麟

庚戌 淳祐

黃應棧

癸丑 寶祐

趙與東

丙辰 寶祐

趙懃夫

乙丑 咸淳

趙必偕

趙由暹

趙必灝

趙神夫

趙希微

趙禎夫

趙希瀾

趙時訥

周雄

咸淳  
戊辰

朱文龍

趙必范

趙希泮

孝行記

天地之性人爲貴人之所以異于物者以其有綱常之道也則夫事親以孝乃人子當爲之事五致未備不足以爲人然自世降俗微知之者鮮有能卓然盡其難能之孝而出于天性之自然者是忱可嘉尚也已植學製此來實在聖天子潛藩附庸之邑去天咫尺故斯民之



濡染孝治者最深邇年其民以孝行聞者凡五十人舉善而勸不能長民之職也用刻姓名以勸來者咸淳七年歲次辛未元日擬承議郎知建德府建德縣主管勸農公事兼弓手寨兵軍正賜緋魚袋余植記

何崇源

居買牆鄉右廂列字井安泰坊母蔣氏年八十四歲昨于景定四年七月抱患沉重其何

崇源于右肢割肉煮粥飼母即愈又于咸淳五年七月其母再疾何崇源復行割股母病隨愈本縣

雷實躬親存問申府

支給仍永免戶役

陳師清

居仁安鄉十九都謝田母王氏年八十六于咸淳五年六月抱病危篤其陳師清就右脇

取肝煮粥餵母即安本縣  
甯實申府支給仍免戶役

蔣德定

居買精鄉左廂寒字井醋坊巷母吳氏年七十咸淳六年九月抱患沉重蔣德定就右

肢割肉煮粥飼母即愈本縣躬親  
存問甯實申府支給仍免戶役

徐大發

居慈順鄉十三都朱池母劉氏年七十于咸淳六年七月抱病危重其徐大發同姊徐五

娘各就左股割肉煮粥餵母即愈  
本縣甯實申府支給仍免戶役

徐五娘

大發之姊也與其弟割肉療母不約而同尤閨房女子之所難蓋出于天性云

景定嚴州續志卷五

欽定四庫全書

景定嚴州續志卷六

宋方仁榮鄭珪同撰

淳安縣

縣視他邑為壯民物粗蕃庶昔病版籍漫漶縣計倚鑿  
空比更修明病亦仍昔知縣事率京官為之其佐官有  
丞簿尉各一員舊有酒官稅官各一員酒官廢已久今  
侯錢可則聞于朝併省稅官寨二曰威平去縣西八十

里其官為徽嚴二州都巡檢使曰港口去縣東二十里其官為淳安遂安壽昌三縣巡檢縣之東鄉曰長樂距縣最達期限率不應嘉定初議置東尉不果

學校

縣即宣聖廟為學其講堂曰化成為齋四所東西南北位置得宜堂皇深邃其直舍曰允軒歲久滋弗治淳祐甲寅知縣石孝聞屬邑寓洪如雲董修造事邑人士叶力裨助不日輪奐蛟峯方逢辰為之記

鄉里

縣官鄉十四為里者一百一十有二

前志開化鄉有西郭里富皇里據縣志富皇里隸梓  
桐鄉而開化不屬西境不應有西郭里蓋風潭賚爵  
二里是也

前志仁壽鄉有飛龍里風潭里賚爵里據縣志風潭  
賚爵合隸開化其在仁壽者蓋崇貴桐橋二里是也  
飛龍里今改曰雲程里

安福鄉先是上一字犯光宗廟諱改今名

和義鄉舊名青溪淳熙己亥知縣陳旌以鄉名首應義從白郡改今名

永平鄉管里十嘉定戊寅知州鄭之悌以其里人方藝事父母孝名其里曰孝養又詹時澤兄弟友愛終身名其里曰友恭

招賢里舊名富材融堂先生錢時所居郡侯錢可則以先生膺天朝特起之招易以今名併書其扁又建

坊于郡縣以表之先生講學著書之所為齋者四曰  
冬窩安素高齋蜀阜為堂者三曰此山敬止慶光登  
臨吟詠之所為亭者五曰歸然歲寒詠歸野翁吟光  
風霽月其歸自史館也乃創經史閣以貯所著書籍  
云

雙玉里舊名賚爵以里人盧玉居產雙竹知州李介

叔易令名表之

玉能詩瀕江為樓曰天邊風露

官廨

縣治在縣城正北其公退有學愛堂製錦堂讀書林正  
已軒縣圃有亭曰秋風曰凭遠

丞廳有亭曰見山曰勝最

尉司有軒曰梅隱曰桂笏

萬壽亭在縣西瀕溪為祝聖放生之所

知縣題名

縣志題名自至道三年孫謹始今自寶慶以後併紀其  
次



戴師聖

趙希瑾

楊希瑾

祝孝穎

莊夢說

蔣衡

王昱

黎祖昭

王垧

謝挺之

錢難老

趙崇嶠

虞旒

馮如愚

吳楹

石孝聞

趙與渥

史琦卿

張壘

葉漢老

葉濶孫

山

南山在溪南為縣治對山巖石層繚林木陰翳有亭  
曰物外一色奇觀也

聖姥山在龍山鄉山巔有平地餘一頃洞泉冬夏不  
竭祈禱輒應

紫蓋峯在安福鄉山腰微瘦上乃旁拓形如擁蓋因  
以為名

並桃山跨常樂永平兩鄉高出衆山上一登絕頂杭  
歛衢婺之山依約在目山下望之如二桃因以得名

水

放生池在縣西轉教寺前即溪禁採捕臨流為亭曰萬壽面對雉山亦禁剪伐

古渠在縣城內引西山泉經縣市東注歲久淤塞雨潦無所決洩居民病之淳熙己亥知縣陳璘庀夫浚治力復其舊民以為便

清心泉在縣門治東

西井在縣西護以鐵欄圍一丈五尺政和七年鑄

坊市

縣市為坊者一十有二曰宣化曰佐理曰登雲曰擢桂

曰叢桂

以胡氏世科名

曰延桂

以鄭氏世科名

曰還淳曰阜民曰惠安

曰時雍曰固業曰熙春

狀元坊二

一在縣學前

以淳祐丁未邑人黃蛻為大對第二知縣虞牯建

一在邑東新橋

以淳祐庚戌邑人方逢辰為大對第一權縣趙汝渥即逢辰所居建

橋梁

縣市瀕溪即稅務之南跨溪為浮梁舊名百大橋淳祐丙午知縣虞玘改曰青溪橋

縣市石橋四東曰新橋社橋西曰白塔橋西礪橋惠人橋在龍山鄉跨合陽溪三十大累石為趾架屋其上後經水毀未復

馬巖橋在安福鄉制如合陽橋而其長過之蜀溪橋在威平寨西北五里

寺觀

上善觀在溪南二里嘉定甲戌道士唐師直請龍山鄉廢額建今龍山亦自有觀

神景宮即舊真應廟開禧乙丑道士聞若訥請縣西廟額名之

建興寺在永平鄉

神景寺在永平鄉乾道間請縣東尼寺廢額建

桐山院在長樂鄉後唐長興三年建

龍巖寺在和義鄉紹興甲子僧善慶請尼寺廢額建

法華在永平鄉嘉定乙亥僧道冲請在城兜率寺子  
院廢額名之

祠廟

東嶽廟在縣東南

五靈王廟在城隍廟左

戈府君廟在縣西五里舊傳神事吳越提兵禦敵不  
利敵斷其頭併棄之神右手持劍左手自提其頭行  
至今祠所仆焉既而風雨晦冥雷電震耀鄉人駭其

神異即地為廟祀之水旱禱焉

弘仁廣信王廟在永平寨西

賀太守祠堂在永平鄉邑人以其始分葉鄉為郡目為葉鄉土神

王押衙廟在安樂鄉舊傳神事吳越以勇力聞禦盜有功押衙藩鎮時官稱也

忠烈侯廟即都督廟前志遺其侯爵嘉定丙子縣尉何元壽訪得之始以爵名



靈佑廟在長樂鄉神姓范氏名稔宣和中以陰兵助  
辛興宗討賊有功興宗表聞于朝詔賜今額邑人邵  
拱記

忠助廟在縣西神封忠濟侯姓汪氏即歙郡英濟王  
子紹興己未賜今額

廣惠行祠在縣治南嘉定乙亥知縣應與權建

英烈廟在永平鄉神歙人姓錢氏長名魯季名魯生  
有別業在永平宣靖間團民兵衛鄉井有方畧衆服

其令建炎己酉烏珠大舉來侵駕幸海道敵犯臨安  
汴浙江而西二侯與邑人方庚率民兵三千人東赴  
至桐廬縣西視牛頭山迫險可得志布置迎敵大敗  
敵衆敵遽北遁後以功各補承信郎紹定庚寅江東  
部使者列其功請立祠于嚴賜廟英烈紹興癸巳欽  
民復請賜爵乃封忠為惠顯侯爵為惠濟侯

古跡

仙居洞在龍山鄉漸山之麓洞有石龍水從龍口流

注盆池中常滿不溢人不知所從  
世遇旱迎水禱之  
隨應

太子城在梓桐鄉普慈山之巔  
相傳晉太子避城築  
城其上今迹猶存

碑碣

重修放生池記  
奉議郎羅頌撰  
知縣陳晔書

社壇記  
承議郎陳愿撰

縣廳題名記  
知縣俞彥與撰

重修縣學記四

一係邑人朝奉大夫方聞撰

一係邑人方有開撰

一係從政郎鄭煜撰

一係邑人方逢辰撰

進士登科題名記知縣呂南夫撰

元祐黨籍碑縣尉司馬速刊于縣學與紹興求賢碑

對立

紹興御書藉田守詔碑丞相曾懷立

蠲減經總制錢記奉議郎應鏞撰

韓昌黎遺像碑知縣陳曄立并贊

重修譙樓記寶章待制程公許撰

景定嚴州續志卷六

欽定四庫全書

景定嚴州續志卷七

宋方仁榮鄭珏同撰

桐廬縣

縣瀕浙江上流以舟東所至素號佳邑今雖不逮於昔而俗醇事簡不害為易治知縣事率京官為之其佐官有丞簿尉各一負酒稅務舊有官令郡侯錢可則始奏省之由合江而東有寨為嚴衢婺三州巡檢

學校

縣舊有學在縣治東北其講堂曰明倫四齋曰進德曰育英曰上達曰尚志嘉定間始建櫺星門寶慶間乃建御書閣

鄉里

縣管鄉十八前志為里四十有二今凡四十有四

桐廬鄉有衣冠里常樂鄉有守直里孝仁鄉有孝義里水濱鄉有桃嶺里而前志俱不載



孝泉鄉前志管里三今為里者二曰仁孝曰邑瑞

金牛鄉前志管里二今為里者三曰通溪曰孝泉曰

侯渚

定安鄉前志管里五今為里者四曰懷仁曰橫山曰

桐洲曰新興

至德鄉前志管里九今為里者八曰如曾曰下村曰

潮逆曰原倫曰移風曰普賢曰白石曰凍洲

坊市

縣為坊者一十有九

依德 贊治 近民 熙和 閱武 育英 慈孝

閱禮 富民 宣化 旌義 雙桂 甘泉 興賢

仁榮 攀桂 朝京 曲阜 壽域

官廨

縣衙在縣市西其公廳之左為讀書林右為虛舟齋縣  
圃有樓曰雙清亭曰更清曰西麓曰山亭

丞簿尉廨皆在縣東淳祐壬子水毀後惟簿廨尚可居

丞占桐江驛為廨而尉乃下僦民屋

慶豐樓在縣衙外東酒壚寄焉

稅亭在縣市瀕江其街北為酒務

皇華亭在縣東北三里

拱翠亭在縣西二里

馬驛在圓通寺西

合江亭在縣市東知縣楊瑱重建潛齋王楚書其扁天台吳子良為之記

惠民倉在常平倉後山下為小樓以居掌鍵者知縣趙汝澧建糴米有餘賑不足邑人便之今惟倉存

知縣題名

趙汝憚

奉議郎嘉定十七年三月二十七日到任在任轉承議郎又轉朝奉郎寶慶三年正月特

差臨安府城北府

章拱

承議郎寶慶三年二月十七日到任在任轉朝奉郎紹定元年三月道理滿

莊夢說

通直郎紹定元年三月十七日到任

劉揚祖

通直郎紹定二年六月十四日到任在任四年轉承議郎又轉承議郎五年十一月替

趙汝驤

奉議郎紹定五年十一月十六日到任在任轉承議郎端平二年十二月十一日替

洪巖

宣教郎端平二年十二月二十二日到任在任轉通直郎

趙汝澧

季著

奉議郎嘉熙四年閏十二月初十日到任在任轉承議郎淳祐四年二月十一日替

潘大雅

奉議郎淳祐四年二月十二日到任在任轉承議郎淳熙七年四月替

何處仕

宣教郎淳祐七年四月十二日到任

楊瑱

宣教郎淳祐八年六月初八日到任在任轉奉議郎淳祐十一年六月二十五日滿替

葉揆

徐鏞

承事郎寶祐元年三月十五日到任在任  
轉宣義郎寶祐四年四月初四日滿替

吳衍

奉議郎寶祐四年四月初四日到  
任當年七月二十一日除奏院

蓋澄

奉議郎寶祐四年十月初十日到  
任開慶元年十月初三日去任

蔣之瑞

宣教郎開慶元年十月初三日到  
任景定三年十二月十一日去任

胡太占

通直郎景定三年  
正月十六日到任

山

金紫巖在桐廬鄉距縣十五里相傳巖有異光若金

紫因以為名

白霧巖在桐廬鄉山最高將雨先霧

龍洞山在常樂郡行羊場半舍許有石曰洞門中乃夷曠廣法寺居之山巔有龍門池流水溉田足以供僧

獨高峯在常樂鄉嘉定間徑山僧妙機為浮圖其上郡人楊纘書其扁

牛山在孝泉鄉去縣西十五里並浙江而北南渡時

鄉兵敗烏珠於此

前志有金牛山在縣東南十五里蓋非此牛山也

金雞山在孝泉鄉去縣西十三里

鳳凰山在縣東北

水

浙江自縣而東至錢塘凡六合縣境諸溪入于江者有

五

蘆茨溪

隸金牛鄉  
出白雲源

清渚港

隸孝  
泉鄉

穰溪

一名剪溪隸金牛鄉出歌舞山下溪水舊  
不通溉里人諸家鑿岩引水溉田數百畝



東溪

即桐江在縣東源出天目山

窄溪

隸水濱鄉與新城港口相對

橋梁

縣市有橋曰寶慶有浮梁跨東溪距縣五里曰政惠諸鄉石橋十在安樂者曰龍伏在常樂者曰通濟在孝泉者曰黃蔣曰香山在金牛者曰柳浦曰登雲曰龍津在定安者曰小潘曰月梁曰馬浦

寺觀

白塔院在縣西一里半

禪定院在桐廬鄉距縣四里昔黃裳讀書於此自號紫元翁今院有紫元洞堂紹興中張魏公憩此經宿隨有芝草生所憩處僧為作瑞芝軒

靜林院在縣西五十里

靜居院在桐廬鄉距縣二十五里晉高僧曇翼誦經之所

勝因院在安樂郡距縣四十里嘉定間僧梵迪請廢

額建

新會院在孝仁鄉距縣十里居萬山間地乏水紹興間有羣峰屯佛殿側僧鑿之得甘泉

石佛院在孝仁鄉距縣十里宣和間僧法真建

長樂院在定安鄉距縣三十五里唐乾符間建地名

吳村吳璵捨水竹園為院基今吳姓有家存焉

棲霞院在定安鄉距縣四十里乾德間建

建平院在定安鄉距縣四十里吳越時建

吉祥院在定安鄉距縣四十里晉天福間建

建興院在質素鄉距縣三十里周顯德間建

前志並不載

洞明宮在定安鄉距縣三十五里嘉定間道士張守廉請遂安廢額建今遂安亦有宮

雪水庵在水濱鄉距縣七十里

漏澤庵距縣西三里餘

祠廟

祠山行祠在縣西一里邑令陳準感夢立

鎮寧侯廟在桐廬鄉距縣五里即州東之行祠也

靈佑廟二一在金牛鄉一在至德鄉即柳山弘仁廣信王也

珠山龍王廟在水濱鄉距縣二十五里山有乳泉溉田甚多紹興間乃立祠端平丙申文林郎陳一中因重修為記

嘉應侯廟在水濱鄉距縣二十五里神即張巡也

徐偃王廟在水濱鄉

古跡

龍潭在金牛鄉距縣十五里潭在山谷間相傳有龍  
宅馮淳熙壬寅邑令邵普迎水禱旱有應因作送龍  
祠其一曰四山迴環兮古龍湫山木陰翳兮枝相樛  
轟雷掣電兮耀靈虬膏澤霽霽兮歲有秋其二曰奠  
桂酒兮椒漿雜肴蔬兮薦堂皇願龍垂休兮時厥雨  
賜豐年之報兮不敢忘山下有洞泉溉田數百畝

碑碣

重修釣臺書院記二

一係淳祐辛丑郡守王泌撰  
一係淳祐辛亥數文吳子良撰

閻仙洞記政和壬辰尚書黃裳撰

乳泉龍王廟記嘉熙丁酉浙西倉幹陳一中撰

景定嚴州續志卷七



欽定四庫全書

景定嚴州續志卷八

宋方仁榮鄭瑤同撰

遂安縣

縣與淳為鄰邑而版籍之弊亦如之修明至再公私尚俱困也知縣事無問京選其佐官舊有丞而尉乃兼領簿事宜和以後丞為省員而嘉定間析置簿尉各一員稅官雖有員屑至者鮮其兵官鳳林寨有巡檢

學校

縣即宣聖廟為學前志在縣南二十步紹熙癸丑邑民  
徐嘉師弗戒于火延燬廟學因獻地鳩工於縣西改建  
焉縣有田百八十畝與他產俱列于石前此延師廩士  
皆取給焉三山林垌東陽陳大猷皆嘗就聘主學後乃  
虛席

官廨

縣治在縣城內北公廳之左為至善堂依山為巖姿亭

縣衙舊頗宏麗有堂曰製錦閣曰戴星亭曰清心曰登雲曰飽山曰魴橋曰貯清紹定己丑燬于火因不復建

薄自創員後即縣西廢驛為廨尋燬于火僦民屋居之縣尉兼簿有廨在縣治南今悉頽圯惟古木與石刻尚存尉亦僦居

稅尉燬不復建

淳祐平糶倉淳祐甲辰知縣傅充以酒務廢基改建郡博士桂錫孫為之記

知縣題名

縣有壁記刻知縣姓名自宣和三年知縣徐鎮始今例自寶慶以來序其次

王深

承直郎

朱澳

文林郎

吳澄

從事郎

趙時伸

文林郎

莫侯

儒林郎

張思兼

承直郎

葉明道

從事郎

樓大年

從事郎

趙時柔

儒林郎

傅究

儒林郎

趙汝遯

文林郎

趙邀夫

從政郎

魏端介

通直郎

徐商霖

宣義郎

高德一

奉議郎

趙必衿

奉議郎

趙正卿

宣教郎

門關

縣郭之為門者三東曰熙春西曰龍津南曰鳳林

坊市

縣市之為坊者六曰招賢曰潯陽曰積慶曰宣仁曰育英曰里仁縣之正南闕縣學舊址為頌春宣詔二亭中直縣街為新街

山

霧山在縣東南二里許孤峰峭立為一邑望紹興中有

避地者李季精天文謂二浙上當牛女之分今婺州與  
徽之婺源縣皆以女宿得名此邑介其中宜曰婺山作  
霧非也

水

縣有溪曰武強以山得名今撫溪澗之入于武強者書  
之

雙溪

自歙山發源東至三渡與邑境諸小  
澗合又東至于縣又東入于武強溪

呂網溪

自階境發源與邑境諸小澗合流至  
于東亭與雙溪諸水合是為武強溪

龍溪

自淳安縣界發源至縣東五里與雙溪諸水合東入于武強溪

橋梁

縣南跨溪為浮梁舊有圯不時治邑士王總得捐田五十畝命永濟庵僧掌其入隨圯即修往來者德之

東自界首至縣其為橋者五曰解林曰東亭曰余村曰烈橋曰龍渡

西自界首至縣其為橋者四曰豹石曰豐祈曰西鮑曰嚴橋其自新安橫出有黃村橋

寺觀

前志有寺無觀今補其闕

洞神宮舊在縣西四十里額存宮廢縣獄祠東偏舊  
有道院紹興間縣白郡以官額隸焉因為祝聖之地  
洞明宮舊在縣東今在富汪村中

毓真庵在獄廟東道士詹師慧即其祖故居建之

白馬乳洞庵在鳳林鄉紹興間官兵擒繆羅於此其  
鄉人建屋居僧兼奉孔釋意以化暴戾云



鰲山白佛庵寶祐間知縣高德一建

花果庵在新安鄉

永濟庵邑士王總得捐田居僧主浮梁修造

祠廟

魁星祠在縣南淳祐辛亥知縣魏端介建

三聖廟在縣南

據王象之輿地紀勝紹興府三聖廟即普州三景兄弟以死國列祀典神

名思忠思立思誼張魏公奉立廟和尚原今行都旌忠觀亦有廟焉此又其別廟云

祠山行祠在縣西

許應侯廟在三渡神周姓

英濟王廟三一在歙嶺一在神嶺一在柏山神汪姓  
歙之土神也縣與歙隣故多奉之

三井龍王廟二一在靈巖一在新安

古跡

乳洞在鳳林鄉距縣八十里洞門容三丈許仰視五  
六十丈青石如斲中有泉極旱不涸溉田六百餘畝  
獅子洞在鳳林鄉洞門僅一大許中有白石蹲踞狀

類獅子

雙龍洞在龍津鄉洞門餘五六丈仰視碧石如覆釜  
中有兩石龍附壁而起洞泉極旱不涸祈禱輒應  
百丈淙在龍津鄉霞源山臨崖有三石池瀉作瀑布  
百餘丈下有叢石激水聲震巖谷

墳墓

唐文州都督李壽墓在鎮基山中壽封遂安縣公太  
平興國中郡守田錫以壽名聞奏真宗東封詔褒贈

前代忠臣於是封壽為忠勇侯賜廟英烈今廟廢惟  
碑趺尚存

碑碣

縣廳題名記知縣錢建撰

山亭記知縣孫應時撰

清暉閣記郡人姜師仲撰

重修宣聖廟碑陰記垠山楊戶撰

雲宅亭記吏部員外郎朱異撰

縣學教導碑朱異撰

毓真庵詹中大墓誌銘張宣公撰朱文公書

景定嚴州續志卷八

欽定四庫全書

景定嚴州續志卷九

宋方仁榮鄭瑤同撰

分水縣

縣在前志為中縣領以選人其佐官惟尉兼簿嘉定壬午始創簿負地拱行都民俗日蕃阜淳祐壬子陞上縣以京官知縣事開慶己未冬省稅官置巡檢剏寨曰定安

鄉里

官鄉六為里者十八

生仙裏鄉嘉德里前志訛謂家德

生仙外鄉普樂里前志訛謂普落

招延鄉真素里前志訛謂真表畢山里今改延德

學校

縣舊有宣聖廟在縣治西治平間縣令蘇鼓遷之縣治東經宣和兵火廟歸然獨存紹興間知縣李端民始置門廡後知縣章涓始創講堂攻媿樓鑰書其扁曰振文



為齋二曰明德曰升俊直舍之後有亭曰高青樗寮張  
即之書

### 官廨

縣衙在縣市中前揖巖山後帶雙峯公廳之東為近民  
堂東北為琴齋縣圃名昇平亭館久廢

主簿自叔員後以東昭德驛為廨

尉廨在縣衙西相傳謂唐時建政和間簷瓦墜有唐會  
昌四年八月字

定安寨在縣東二十里吳村

開慶己未冬糝塢民張鬍十三嘯聚寇畢浦民何氏

縣不能戢州若帥府遣兵致討事平奏即其地建寨

玉華樓在縣衙東酒坊在焉

咸若亭在縣東二里為祝聖放生之所

濯纓亭在甘泉寺東五十步

望江亭在縣東五里

窪泉亭在縣東南五里白沙嶺

知縣題名

羅閏

寶慶二年十二月到任  
紹定二年十二月滿

盧岳

紹定二年十二月到任  
紹定三年六月替

黃仁楸

紹定三年十二月到任  
紹定五年十一月滿

趙師岩

紹定六年到任  
端平三年六月滿

孫次山

端平三年七月到任  
嘉熙二年五月滿

趙汝楮

嘉熙二年八月到任  
嘉熙三年八月替

毛肇

嘉熙三年十月到任  
淳祐二年十月滿

趙汝僖

淳祐二年十月到任  
淳祐五年八月滿

何處寬

淳祐五年八月到任七年九月滿

沈東

淳祐七年十月到任九年二月滿

柴士表

淳祐九年三月到任十一年滿

趙希琛

淳祐十一年到任

江鎔

寶祐元年到任

何宗禹

寶祐四年到任

楊仲方

寶祐五年到任

錢廩之

開慶元年七月到任

蔣曉

開慶元年十二月到任

坊市

縣市為坊者十有二

觀政 宣化 景泰 慶雲 阜民 朝京 靈巖

社壇 雙桂 延鴻 聯魁 行原

景定庚申知縣蔣曉為分水鄉

民陳氏三子同日割股療父疾為立功表之

橋梁

縣舊有浮梁在縣東天目溪咸若亭之下今廢

縣治西有橋曰雙桂諸鄉橋而屋者四在分水者曰邵舍在柳柏者曰廣濟在生仙者曰陳村曰寶定

山

雙峯山在縣之北縣治依為主山

紫龍山在縣南二十里分水鄉上有龍池

前志云在縣西南三

百九十步非也

湧泉巖在縣南四里下有唐令公廟廟前有湧泉

池

雲峯巖在縣西北二十五里生仙外鄉四面如削一峯宛在雲中

百聖巖在縣東十五里定安鄉其高為最相傳神鞭其峯墮洛口為梁明山

梁明山止一小峯立平地中梁明府君廟在焉

水

天目溪源出天目山繚縣境而南達于浙江可勝百斛舟若於潛若昌化舊航粟浙江胥此焉入故客艘輻湊於縣後京府嚴糴禁航粟遂梗縣市亦蕭條矣

前溪在縣南源出柳栢鄉經分水鄉入定安會于天目溪

廣陵溪在縣東六十里招延鄉源出新城縣

滄父溪在縣東五里

寺觀

靈巖宮在縣衙西北百步紹興間縣人王司諫白縣即禪定院廢址剏為祝聖朝拜之所請淳安廢額名之



塔院在五雲山北

安寧尼院在生仙外鄉去縣二十里

前志不  
曰尼院

孝明尼院在分水鄉大雖源去縣五十里錢王時鄉  
民駱業以親病祈福獨緣建其開山尼曰善通寺有  
都元帥判押執狀

祠廟

東獄行宮在甘泉寺東建災間建後邑民有羅其姓  
者親走奉香火以歸靈貺響答

五顯行祠在縣圃後

柳山靈祐廟在柳栢鄉去縣三十里廟有柳侯墓據  
廟記神姓柳本河東人東晉為新安內史卒柩經此  
山馬駭人愕百夫不能舉因葬焉民廟而祠之梁貞  
明四年贈尚書左僕射廣信侯後唐清泰三年封鴻  
仁廣信王告命在州西別廟中今縣西仍有行祠以  
便祈禱

靈休廟在縣東一十五里定安鄉洛口有墓存焉神

姓張國朝賜令額

廣惠行祠在縣東南百步瑞雲山之巔

英烈王廟在縣西南四十五里分水鄉歌舞嶺相傳  
謂子胥避難至此喜而歌舞後人因以名嶺廟左有  
小池舊云與錢塘潮候相應

唐令公廟在縣南湧泉鄉之左其神為邑令有惠政  
民祠之歲旱禱之必應

靈應廟在湧泉鄉神姓方自後晉即有祠嘉泰中賜

今額

紫龍王廟在縣西南十五里乃紫龍山之神山有三池歲旱請水祈禱以水中得生物為雨讖端平乙未知縣趙師岩新其廟以荅神賜

麻姑廟在生仙裏鄉去縣四十里

葛仙翁廟在招延鄉橫塘源去縣四十里

古跡

石佛在玉瑞寺長不盈尺刻石為之舊傳陳時所造

寺於鄧原別為石佛庵併貌陳主奉之

仙人跡在月溪寺外小澗中相傳嘗有仙人濯足於此其跡尚存

鐘潭在生仙外鄉去縣二十五里相傳有古鐘沒潭中其紐猶見漁人撼之莫能動

擔石去縣三十五里在招延鄉舊傳有郎將軍者以勇力稱肩石至此層累成臺今其上有偃松十數本方春和時野花泉竹四面環合遊賞留題者甚衆邑

令奚君所謂松懸雙石上者即此石也

柱石在擔石之東石紋層疊過者輒以木梗支之云  
可健步

錢王拄杖孔在縣東北三里圓徑一尺中有泉一泓  
清冽可愛冬夏不竭相傳為錢王經行植杖之地

碑碣

修學記三其一紹興二年知縣李端民撰其一紹熙  
二年知縣奚士達撰其一淳祐六年前學長何雷撰

放生池記知縣李端民撰

施肩吾寄徐凝詩熙寧間知縣齊諶刻建中靖國諶  
為轉運使再刻肩吾及第告于石陰

王司諫書鞠大夫事紹興間知縣奚士達立石

鞠名  
嗣復

錢塘人宣和中以正郎權縣會寇至無援為賊所執  
輒罵賊不屈賊不敢害寓慶雲寺中尋除知睦州不  
及上

郭祥正題名

郭與東坡為詩友熙寧中因  
訪邑宰題識歲月後乃刻石

右並在縣學

放生亭記紹興癸丑史彌忠撰

柳山廟記紹興間知縣王瑋撰寓公大理寺丞俞公

明重立石

創定主簿廳記嘉定間吳興祖撰

創定安寨記景定庚申通判曹元發撰

景定嚴州續志卷九



欽定四庫全書

景定嚴州續志卷十

宋方仁榮鄭瑤同撰

壽昌縣

縣為孔道應酬日不給而土地狹隘犬牙嚙婪之鄉至  
無所責賦難亦甚矣知縣事率選人為之其佐官惟縣  
尉一員兼領簿事若港口三縣巡檢置寨於淳安縣符  
移得加焉

學校

縣即宣聖廟為學嘉定己巳知縣輩嶠鳩田二百畝以資縣治刻石寘于學今存者百五十一畝

官廨

縣衙在縣市正北舊枕山為思遜堂極目亭與縣南燕喜樓相望山川之勝映帶左右後乃鞠為棄壤景定庚申知縣黎舉德即燕喜故地為坊曰化龍即思遜堂故地之側為亭曰南昌勝境亭之南植木為表榜曰屏山

第一峯又南做舟為亭曰涵碧庶幾續舊觀云

知縣題名

縣舊無題名嘉定甲申知縣黃榮始考舊聞刻石寘縣治今自黃榮以後序其次

黃榮

嘉定十五年正月到任寶慶元年三月二十一日滿替

趙繇夫

寶慶元年三月二十一日到任紹定元年六月十二日滿替

沈紹遠

紹定元年六月十三日到任

趙崇魯

紹定三年十一月十五日到任備寇猖獗被檄節制官兵督捕五年五月二十六日改差

江東  
提幹

楊華

高不佖

端平二年三月初二日到任

黃愷

端平三年到任

趙希榮

嘉熙元年到任

劉師臯

嘉熙三年到任

劉常明

淳祐二年到任

趙必常

淳祐四年到任

陳應先

淳祐五年十二月到任七年十一月考舉及格離任

陳宗

趙汝玘

朱渙

趙與濟

劉廉

黃士慶

程直翁

黎舉德

山

青龍山在縣東一里由縣治來崗分繚道衢出臨艾  
溪上勢若昂首景定庚申知縣黎舉德與邑人徐南  
一等築亭其上命之曰龍首

梅峯在縣西南二十里

硯山在縣東南三十里

水

艾溪發源自縣西境曰雞籠山過縣東七里為於場  
渡又東為湖神溪實一源也至艾塘入建德縣界達  
于新安江

戶部泉元祐間知縣陳澤民鑿山得泉味甘冽甚愛  
之後去邑未幾為戶部郎邑人思之故以戶部名其  
泉

### 橋梁

縣為驛道要衝由梅嶺而東凡為橋者五

大同橋在縣東二十里邑人葉三省建鄭穎重葺

顏公橋在縣西十里曰航頭長四十二丈系石礮水  
為十道郡守顏頤仲捐郡帑倡建因以為名

宋公橋在縣西二里長一十五丈郡守宋鈞捐郡帑  
倡建因以為名

會通橋在縣西市中跨湖表為之

朝京橋在縣南長五十四丈系石礮水為十二道每  
遇溪水暴漲行旅前阻於竭渡不得進景定辛酉知



縣黎舉德率邑人徐南一等經始斯橋以便行者

寺觀

接待院在壽昌鄉下梅嘉定初元徑山僧祖隆建  
崇恩院在永平鄉

靈耀宮在壽昌鄉南山

祠廟

東嶽行祠在縣東

古跡

朱佛庵在縣西六十里崇恩寺側庵有望于龕者曰  
曰朱佛歲旱祈禱輒應相傳昔有農朱姓耕山誦佛  
於此遇亢旱常有雲覆之諾人以雨輒應邑人指為  
活佛後趺坐示化人為立庵寶祐間知縣劉廉狀其  
靈異請賜號未報

龍潭在縣西相傳常有龍見每歲旱縣官於此祈禱  
碑碣


重修縣學記嘉定己巳朝奉大夫徐邦憲撰郡守謝

德輿立石

學田記知縣鞏嶠撰

蠲減官錢始末嘉定癸酉吏侍俞烈撰

縣廳題名記知縣黃榮撰



景定嚴州續志卷十